

夏
峯
先
生
集

夏峯先生集卷之十四

容城孫奇逢啟泰著

大梁書院重刊

詩

道中感懷

落魄漁陽道長驅帝里遊
綈袍悲驛路蓬鬢愧沙鷗
書劍催行色壺觴破客愁
眼中知己在情興未全收

偕友過曉上人

地僻塵難到尋幽不厭重
香烟銷舊篆綠茗破新封
山友耽詩酒邨翁話圃農
老僧饒古意乘興偶相從

京邸寄家成軒叔

往事驚回首蹉跎又一春
家山留冷淡京國滯風塵
逝矣韶華改歸與聚樂真
東山千載意切莫嘆沈淪

病起張開先至自故園

病久當留坐慵翻架上書
一尊欣爾至萬事憶余疎
同調長難聚雙眉豈易舒
家山風物在歸去翦園蔬

夏日攜友酌淨業寺四首

無地堪逃暑尋幽過密林
湖光紅印浪樹色綠堆陰
勝友飛杯聳山僧話古今
星橫未忍去縱步尙行吟

天地偏容懶朋儔亦愛閒遊魚吹落葉倦鳥返重山寺
僻能逃俗樽開可破顏明年尋此會未必在燕關
故人難久聚南北各行藏愧我無長策逢君有巨觴交
從方外定事向醉中商敢謂羲皇上千憂已盡忘
不見荆高飲殷勤興偶同世情雙眼外心事一杯中五
月裏從敝十年劒未工莫輕今夕醉若個繼雄風

謁靜修墓

孤墳埋劒氣下拜見君心遺韻留天地清風動古今碑
殘青草沒樹老綠苔侵何限低徊意臨流空自吟

劉百世招飲鏡園

會心不在遠坐入晚窗幽嶂碧千花繞湖明一鏡收風
雲噓自壯天地氣還留細認桃源路重來好放舟

題宋懷豫飲光臺

臺做元無習翛然萬慮捐月沾衣帶冷花促酒杯乾意
氣悲歌裏風雲指顧前夜深迷去徑獨爲主人賢

偕王明寰崔西星登雙塔庵兼致徐恒山

愛得看山致尋幽曲徑通出迎僧意遠聯袂客心同放
溜泉聲韻排雲塔勢雄殷勤勞地主棄輿欲相從

茅止生見過次韻

深秋方一晤相對幾迴腸
奇士平逾異真人險亦常
論交青眼闊作客古情長
祇恨怱怱別門前歸馬忙

別韓參夫

南國盤桓久東林氣味深
無妻堪避俗有子可傳心
生計多藏藥孤情盡在琴
莫言輕別去斗酒正披襟

報茅止生

愧我今爲祖連年兩抱孫
五旬諸事冷三世一經存
妻病猶堪藥家貧尚有樽
聞君新弄瓦差慰客中魂

辛未寄弟啟美

初志應難遂年華覺易過青山違去久白髮漸來多身
世歸雙眼功名付一簑漫思行萬里吾意愛烟蘿

丙子春分

莫厭鬢毛皤壯懷猶未磨無營人事少有病道心多調
與時流背情因僻地和春光何處覓生意滿青莎

題傲雪亭

無地堪迷俗頻過傲雪亭懶雲堆曲徑翠栢罩疎櫺避
世無猿鶴開尊有鵲鴿主人何處問叢竹繞青青

九日同扶陽夢周是經雙峯道中

看山當九日攜手渡重岡路繞層巒遠雲依曲嶺長有人同患難無險不尋常盤馬遙相指峯頭擬舉觴

同諸友宿清涼寺

天半清涼寺幽深徑幾穿微風石竇響淡月樹峯懸倚杖山川約聯牀兵甲繫遙看絕頂上突兀起雲煙

山居

山中聞見少邨落闢鴻濛樵牧風猶古琴樽道不窮溪聲環枕上月色入懷中夜半披衣坐塵心頓若空

靜觀邀過北海亭不及赴喜密觀就予百樓

閉戶無人語擁爐坐對時老妻雖善病稚子解吟詩免
下西江榻猶疑北海卮莫忘今夕意千載有心期

百樓除夜因憶北海亭

客館孤燈夜坐深寒漏遲歲分能幾刻春續不多時身
老怯新節愁多憶舊知鹿亭搖落久偏繫故人思

贈賈正卿

回首居廬日楸松六度春終天千載恨攜慕百年身客
貌驚時眼肝腸見古人對君機巧盡薄俗可歸真

輓茅止生

江南鍾異彩河北歷風霜
犴力窺天小雄心拓地長
魂隨關月照氣共塞雲翔
酌酒孤亭上洋洋在我傍

晝臥

閉門人事絕客榻蔭層蘿
懶比嵇康甚貧於原憲過
靜觀花色艷幽韻鳥聲和
六十年華近一閒得已多

甲申立冬

此際屬冬節朔風便懷然
病餘食并日憂結夜如年
浮海今猶後渡江已讓先
好將千古意暫借酒杯傳

張元美保定殉義

吾鄉有二老高陽與范陽君家同磊落子弟盡忠良形
以僵逾烈名從死更香城頭齒血在遙望幾心傷

接友人長安書

握手南城夜清光片片飛君爲燕市客我斲故山薇不
信居官苦但嗟初念違溪山申舊約猿鶴恐相譏

春日獨坐

杜門四十載未解覓生涯地僻多成徑隣稀獨作家白
雲宿戶滿明月映籬斜此境堪誰識枝頭春已賒

春閒

四隣無一並茅屋絕塵氛霽色狎黃鳥恬心坐白雲一
區供學圃半榻足論文日夕看兒讀春光靜裏分

答曹滋甫喜雨詩

一雨經三日幽懷漫自寬滂沱農色起零亂客心寒薪
絕停朝藥糧除減夜餐兒童相視笑此際得清安

友人說買山

涼雨新秋迥孤雲獨去還哦詩消旅病讀易作身閒萬
事隨緣度一貧到處艱巢由箕潁便何用買山錢

再題義棂

棂亦尋常物無勞珠玉裝一朝兄弟合千古友于芳代
虎降龍手飲冰嚙雪腸歸來應愛惜夜夜護清光

擬春日訪友得林字

春山欣澹澹遲日照高林鳥坐枝頭語人窺物外心誰
家多釀酒我去好攜琴聊以娛閒晝同人寄一吟

哀孫備九

天地不情甚斯人何遽亡事親和氣色取友見肝腸有
問心偏切無欺意獨長至今披讀語字字淚沾裳

得老友梁如星書

吾鄉有逸老言別歲三更月到思君處書來慰我情家園勞北望婚嫁事南征破帽歸與日煙霞對奕枰

珍之過訪

溽暑衝風至翩翩意獨閒君豪湖海上我老牧樵間投世旣云拙用時良亦艱胡牀清夜話明月照霜顏

亡妻忌日

何事耳常鳴恍聞病苦聲別離方一歲哽咽盡生平入室思良友獨居憶舊盟庶羞聊薦享相信在幽明

禪客

之子逃禪客，慙予老蠹魚。未能窺佛法，安敢厭儒書。靜
氣觀時變，澄心探古初。宣尼自有室，何用借人廬。

先嚴忌辰

別將五十載，寤寐儼如生。未得酬親志，安能慰子情。耳
聾怯語密，目暗畏燈明。潦倒不堪問，含懷酒一傾。

睡起偶書

偃臥無宵旦，何堪閱世情。觀書怯細字，聽語喜高聲。險
自綢繆伏，戎從談笑生。他山石可借，崎路自歸平。

先慈陳太君第四十五年忌辰

漂蓬當母忌時代已頻更入口無安計一心亦亂營英
年孤血淚白髮老癡情何限淒涼意依稀聞母聲

爲尙兒完婚

旅食年將半三千客路長妝無庸賣犬禮亦省牽羊知
已言猶在素心盟敢忘聊完婚嫁事杯舉復旁皇

寄懷李儕山

懷人違咫尺筇短肅霜天顧影慚迂拙聽泉忘歲年貧
甘逐事廢慵得故交憐欲問白頭業沿山學種田

九日集留雲舍是日連筠清歸省詩以送之

分宅擬晨夕如何輕別離懷牽蘭社友目斷菊花時子
舍關情急朋尊戀別遲他鄉畏索寞執手卜來期

夏峯元日

癸巳

生平長旅食到處便爲家客久兒孫長囊空雞黍嘉
賁閒頻入夢山靜不聞譁此意何殊古休嗟天一涯

連筠清寄惠潞酒代簡奉答

酒從歲裏至人日到山開彩筆爭爲賦積顏偏愛杯
善能滌俗累更喜助予懷望望征輶至疑當滿載來

鹿曠觀自肥鄉過視

爽氣連朝發同人來遠方盟心無險易握手問行藏爾
稱哲人後予慙大父行孤繁深話處應自不遺忘

贈野客

到門稱野客辭貌絕塵情脫粟腹堪飽繩牀夢不驚至
心雲自悅上古道無名世眼不相識孤懷樂與盟

陳謫公寄詩見懷王荆伯崑伯仇異渥和之依

韻答寄

學稼年來事慙予道未聞心閒應絕慮身隱又焉文黃

鶴非長往白雲可共分惠詩勞慰問千里樂同羣

贈房竹苞

憶昔識荆日忽驚三十年謀生憐我拙聞道喜君先
署冷心無滓官微教有權此來聯舊好前輩自名賢

暫移共城題壁

人境喧車馬悠然獨閉關陰晴無日定漂泊此生閒
高著局先得奇情酒後刪古人誰可比伯仲邵陶閒

送友歸白下

驚看鴻雁北歸帶百門秋戀弟耽孤託思親畏遠遊裝

輕惜道路老至愛朋儔來歲黃花發東籬一徑留

談長益客覃懷雨承寄詩賦此爲報

一水不能渡十年慚負君北風衰短鬢南雁念孤羣暮
氣愁難鼓新詩喜再開覃懷遙望是山口正停雲
君懷非近俗古道劍光寒每說看山勇因知取友端詩
從多難老夢借去家安烟水窺人事源泉理釣竿

將遊西山

久矣登臨倦翻然發興新計程剛百里不速已三人鹿
石堪爲伴溪雲遙與親乾坤仍浩渺何事嘆沈淪

李過廬過夏峯未幾之任嘉湖

束髮知求友乾坤眼不孤人亡慙寄劒馬老畏經途蘋

藻江邨月

公祖父因鹿忠節父子善予

風煙蘇嶺壚低徊先正語傳

自過庭呼

落拓合衰暮高軒枉草居到門狎野性入坐數庭除元
氣含羣動閒心賦遂初十年猿鶴夢相對幾躊躇

對君日未久已見古人心笑語秋天闊旌旄江路深近

謠依竹馬老夢感人琴

謂魏忠節
墓止生

遙想孤帆處蛩音伴

暮砧

寄懷馬玉筍

春草七年夢秋風千里音力衰艱策杖室遠阻披襟有
願歸山計公以養母請假多端懷友心飛鴻天外聽嚶嚶送寒
砧

轍跡深門外高林指夏峯興公慙假宅梁子不聞春薄
德辱賢達無才學老農雞埒童稚喜思欲薦茅容

浮家昔愛水卜築近兼山得遂龐公老深慙鮑叔顏貧
知爲友累老不悔書刪更有思君處雞聲雁影閒

尙憶荀陳聚二難常應門鳴皋鶴有子開徑竹生孫此

地遊蹤少他年世譜存論文吹短鬢淺醉臥雲根

賈輝陽過訪

與君同梓里客舍復遙鄰
卻老余多病藏山君亦貧
盤飧無勝味言笑慕先民
慎莫輕言別秋懷詩興新
禾黍登場日偏宜薦客觴
洛陽哭是瘠蘇嶺嘯逾狂
月以秋增潤雲因晚續長
奇情酬勝日不負馬蹄忙

酬李慎菴惠茶

豈敢言違俗素居恐近名
氛塵知己少書札異人情
連雨添山氣先秋想雁聲
竹根吟不穩羣動正縱橫

又復將秋至山川老此身迂踈人事廢衰病藥苗親雪
乳歆還淡洛泉飲尙醇公會先貽洛酒閉門懷古意何以謝宵
晨

談長益過訪

美人天際迴何意一幽尋渾穆識山靜淵藏愛水深好
將黃菊淚託出白雲心莫漫輕言別霜威到處侵
何方是樂土容我老蘇門客久安耕鑿邨深長子孫但
知藜藿美豈愛薜蘿尊家國關心事君應善處屯

談長益夜遊泉上

別有看山眼何妨入夜遊月明嵐氣合人靜水聲幽嶺
半聞孤嘯源窮發隱憂衰遲艱策杖獨坐意悠悠

贈別馬習仲

閉戶嘗嗟我臨流每憶君十年劒始合數夕袂還分易
識初弦月琴調未散雲起予欣有借莫惜雁書聞

兼山堂靜坐

山近雲堪愛秋清花正妍一心無惡趣萬事有良緣洗
硯吟乘興拂牀倦就眠祇將閒送老何用學神仙

窮居

甲申生我日前後六朝民
樛櫟遺明主涵濡作外臣
藜羹堪飽腹茅屋可安身
無事消清晝孫曾索果頻

鳧盟以詩見懷卻寄

幾夜懷人夢十年去國情有山
容獨往得子約同畊
薄俗看家學長貧對友生
書來當晚讀邨月雨餘明

懷賀宣三

高齋漳水徙猶夢到函樓
開帙看孫讀呼觴共客酬
薦蘋思北海懸榻憶南州
欲待春花發溪邊問釣舟

午睡

僻巷宜娛老，息心更覺閒。
無人非上古，閉戶卽深山。
味薄猶堪賤，詩荒總不刪。
羣兒爭索果，一笑慰癡頑。

題臥楊

一榻十年外，幽懷信復疑。
大庭還自檢，屋漏敢誰欺。
去妄先非靜，存誠亦是癡。
助忘兩不著，認取曉雞時。

冬月

月惟秋乃靜，冬月靜於秋。
入夜風聲寂，橫牕竹影幽。
心非因物累，動自與天游。
所照誰能外，光疑無盡頭。

癸卯除夕

形氣衰云久神情老更真積愆銷此夕進業自新春客
裏光陰速貧家骨肉親生平牢落意隨處可藏身

語陳范彭

白髮傷離別翛然十六春君仍稱逸老我尙作逋臣客
味貧方得交情久更親耄年兒女意夜話短檠頻

杜開美卜居楊村

與君皆失路漂泊不同方並轡蘇山側停車易水傍執
經名藝苑投筆老戎行麟閣元多霧漁竿月正長

留別里門諸友

耄年仍去國臨路意何窮
大道無南北吾徒渾異同
酒斟燕市月帆掛衛河風
非作隨陽鴈年年伴塞鴻

春懷

閑來無事掛眉端
明月清風滿釣竿
非分鼎鑪渾自苦
在中疏水淡相安
參差物態皆生趣
翻覆人情亦靜觀
更喜春光時正好
羲皇不遠在蒲團

武城官舍爲啟美作

案牘勞人白髮飄
幾番翹首憶王喬
文翁正自不違俗
陶令何妨亦折腰
病去無營卽解脫
心閒隨事更逍遙

好將數斗清河水一洗煩囂慰寂寥

己卯人日偕君異諸子集竹園

十年回首幾風塵此地別生一樣春
海上雲龍誰是主山中歲月此逢人
夢酣書榻憐余老興到麴壇愛爾真
鎮日竹園無一事柴門分手月光新

耿廣我昆仲爲予設榻

君家兄弟舊家聲一榻悠然客夢清
日月隨緣無險阻乾坤到處有逢迎
竹園隊裏予差長蘭室場中爾擅名
一片閒心無俗累雲飛鶴住覺身輕

偕繩我兄弟遊雲空寺

閑行兩度過雲空有友聯翩興味同一榻卷舒眠梵月
半酣泣笑飲松風是非入耳原虛幻雲水關心總化工
小衲烹茶頻簡葉殷勤送我到壇東

寓百樓

蓬飄寄跡百樓城隨分無關去住情但得酒籌消日月
自無心計問功名途窮不改青山色交盡猶聞黃鳥聲
病骨豈隨塵世轉從來水到自渠成

白溝送別止生南還

送客白溝感慨生一番回首一番驚朔方黯黯三更語
南國英英萬里情夜雨渡頭迷雁影秋風江上聽潮聲
文名海內流傳美何事牢騷問不平

下第後寄懷劉凝禧

伏枕春雲日已斜徑深地僻語無譁優優清夢幽人巷
淡淡輕簑處士家興到放懷吟古句倦來隨意灌新花
渾忘下第人情冷寄語劉郎莫怨嗟

止生赴至

有雁頻頻寄好音突來凶耗痛難禁乾坤未了揮戈恨

東坡集 卷一 四
海嶽空懸報國心師友義隆風百代文章價重字千金
看花臺畔三更月望斷雲山廢素琴

韓參夫父子自白門寄書

武城一別十年餘君老江湖我老漁客舍悲涼書劍冷
釣臺深隱和歌踈干戈西北難容腳漂泊東南尙有廬
更喜郎君吟白雪殷勤雲外寄雙魚

踵劉範修原韻

乾坤何處不閒關安得此心如石頑全仗酒籌娛白日
更憑詩卷老青山補天有術推君手修月無能媿我顏

轉盼流光過六甲讀來細字眼成斑

讀劉湛露自贊

讀書不破死生關到得臨岐便汗顏義取原非因氣激
仁成亦只在神閒英靈千古留孤柱義烈一門拄兩閒
點點灑來皆血淚從今不獨說文山

病中感懷

歷夏纏綿更度秋三時伏枕未全瘳病中天地原虛幻
老去存亡何喜憂皎皎孤懷雲際外澄澄朗抱水中流
生來無補人間事百歲仍同草木儔

踵公狄寄懷原韻

十載聲光附臭蘭詩來字字比琅玕
高名南北懸山斗
遯跡江湖濯肺肝
雄略未張槩焰冷孤懷自許劒
芒寒黯然往事難回首好爲蒼生起謝安

孫紫淵下第

高陽才子說孫郎不第歸來意更長
點額固知龍是鯉
拔毛安辨虎非羊
幾番晤語窺塵外
兩紙詩筒見大方
卻爲文忠欣有後八年沈鬱覺飛揚

十老會 有引

仇繼軒八十一羅好軒八十仇覆聞六十八
薛錦軒六十七楊懷秋六十六余年六十四
少於余者魏禎明六十一張于度六十劉元
樸王翼明俱五十八時丁亥寓新安

十老聯籌七百餘端陽此日笑顏舒年逾八十歌喉細
病幾經秋拄杖疎搶攘誰云無暇逸憂煩亦自有清虛
未嘗言別復尋約義結情殷見古初

閑坐

雨色紛紛難解顏我生恰與病相環借書未竟神先倦

殘帙初翻興已闌兀坐誰云同靜境游思安敢擬元關
至人無問今何似一紙猶如萬仞山

夜攜王申之趙廉右仇異渥王五修暨博兒過
高薦馨泛宅偶得酒壚剛喜近西家句因足
成之

酒壚剛喜近西家小坐遲沾燭影斜七箸聲催詩有料
尊罍光映筆生花家貧學杜乏兼味心素依陶餘破紗
此際古星曾聚否滿堂豪氣已如霞

靜坐

日日須尋靜坐時靜中光景更堪疑新詩初就嫌無味
舊稿重刪愈有疵幽趣好從鷗鳥見孤懷豈向故人知
閨然獨抱元來意一念澄瑩神自怡

不寐

跏坐披衣數漏傳淒涼心事不成眠赤貧食眾當凶歲
弱骨家遙且暮年稚子天邊婚事迫老妻榻上病魔纏
雞鳴跼舜分如綫愧我搖搖兩念懸

毛晴嵐屢寄詩訂相訪之期其詩彙自題曰毛
詩今

箕山咫尺得人豪佳句郵筒未憚勞筆有春秋惟守孔
詩無今古總稱毛天南舒卷還吾輩河朔淹留爲若曹
未識荊州神已醉到門應自解征袍

贈賀宣三

雅慕龍谿老更遊短筇此日向中州逢君北海一樽酒
臥我元龍百尺樓勝稿挑燈猶共讀孤懷抵掌幾深籌
一門況是多風味千里盍簪傾蓋投

贈李太樸

八口煩君謀有餘更欣千里過吾廬身如飛燕巢無定

心羨遊魚水到渠壯士何堪閒處老豪情每自淡中疎
多君頻下陳蕃榻一室從今廢掃除

輓曹佩巖

憶昔相看國士儔蘇門有約未成遊山容慘淡花銜恨
水色淒涼柳帶愁儲淚幾回傷聚散結腸百轉嘆沈浮
感恩知己頻回首賴有琳琅聲味投

邀友

蘇門名蹟不勝遊清絕於今屬薛樓面背拱朝各有致
堂軒室閣總成幽遙看山色連吟入近聽泉聲雜韻流

好待良朋同耽飲地靈從古借人留

山行

足健身閒汗漫遊到來無地不清幽佳山有客旋宜避
野寺無僧政可留世態偏嫌熱處看人情好向冷中求
夔龍勲業他人事烟月一竿釣蓼洲

夜涼

白水青秧匝地流天教病叟此中留花經名客神偏艷
士似枯禪道更幽四野蕭蕭風襲面中天皎皎月當頭
夜涼有喜眉閒動例疾從今冀一瘳

偶題

世上誰爲第一籌祇因初願得相酬
愛山便覺山容靜樂水偏欣水色幽
月落萬川無二本理歸一致總同流
拈來信手皆成趣豈向遺編汗漫求

李天池過我

到處焉能使俗淳孤舟難繫臥雲身
舊從燕市飛談塵邇向蘇門把釣綸
未識三千餘歲事已成六十七年人
與君猶恨相逢晚知我何妨過我頻

送孟調之遊林慮

家世梁園素有聞孤懷肯逐眾人羣眼中邱壑能藏我
腳底乾坤獨信君煮酒漫談傑士事買山聊策洗心勲
此行林慮多名勝攜得白雲好共分

先考忌辰

四十餘年見背時裂腸豈復有窮期衰遲倍切瞻依望
隔越尤深孺慕悲身閱艱危聊自守心馳屋漏敢誰欺
平生殊愧難迎養客邸靈魂一格思

友人出遊不及從賦此

閱盡名韉亦是偏誰知好景只當前雲橫不度山容媚

雨細初停花氣鮮悅目幽情塵外領賞心樂事意先傳
古人到處人欽企試想梁鴻與仲宣

憑几偶題

養病蘇門暑氣薰不言終日自加勤有時閉閣常思過
無事閒居正策勲愛竹觀蓮情偶寄登山涉水意交欣
此心空洞元非滯玩物還爲物所紛

立秋

一葉飛來天地秋雨餘暑退半窗幽長途未墜詩書業
晚節甯爲貧賤羞耳絕市囂除物累門無俗駕與天遊

夏峯集

卷十四

三

煙波萬頃笛聲起好覓綸竿上釣舟

賓皇齋漫賦

自是凌霄一輩人偏來塵外著精神都忘忌諱談方治
盡脫儀文形較親事到快心多具癖品成足色總歸真
得君不恨相逢晚莫向天涯嘆比鄰

張羅月雨中過訪

積雨孤蹤百感生到門有客獨英英遠聞佳士猶神賞
老見奇人倍眼明聲氣氤氲千里合風雲指顧九霄輕
居停假我出塵外豈減南州下榻情

秋晴

久黯初晴秋氣新
衰年亦助一精神
形無潤澤雖云病
含有絃歌豈是貧
老僕淇園能負米
小童山澗可收薪
一編周易讀將竟
咎吝元來不自人

依韻酬張湛虛

南來懷刺到侯門
滌盡塵襟對酒樽
易學已探下聖秘
麟編獨慄一王尊

公時讀
易春秋

仁元造次無吝去
道豈須臾

有不存
每憶箕疇當日事
此懷難與世人論

世事渾如湧白波
遣愁疑若塞黃河
山空好聽蘇門嘯

耳熱猶聞易水歌康濟一身非見少彌綸萬物豈加多
出迷正借鈞陶手霜鬢蕭蕭奈老何

答客

漫訝冬來太瘦生據鞍千里客星明蕭條庭戶山人味
粗糲盤餐野老情一盞昏燈催我倦數行疑義付兒評
無聊身世神應損郭重形肥卻不平

長至

日臨長至雪霜深倚榻團鑪酒自斟一代是非誰共語
百年感慨入孤吟閒從竹石同幽夢靜向琴書寄遠心

此際陽生人不覺貞元消息好相尋

長夜挑燈令諸孺子屬對

幽閒面目認來真門外無喧卽避塵糧絕方知藟食美
交清始覺硯書親隨緣歌咏閒舒嘯任意抽排總化嗔
三世挑燈圖半榻老懷翻助一精神

庚寅除夕

六十七年除夕過共城漫自嘆蹉跎盤中芋栗貧家味
簪耶兒童歲事和日月雖深仍閤淡精神幾敝未消磨
要知學問無慚處此際清歡得已多

張薛二公惠米

年近古稀作客時欣逢二老慰吾私三年孤學非緣穀
八口爲家幸免飢分宅敢忘司馬意推賢難副國師期
身無片善徒餐素殊愧諸公說項斯

飲馬王筍尊五樓

凭欄一望蔚生文水色山光入座分天閣尙容翔野鶴
樓空正好貯孤雲銜杯隨地堪爲陳拈句何人不策勲
尊玉有名超百尺風流今日更推君

寄懷張集公

蘇嶺春深坐息機，懷人天際澹忘歸。
生平襟契十年別，千里音書一雁稀。
笑我爲儒衰且腐，喜君建節德生威。
停雲莫訝相違久，鼓興山陰棹欲飛。

簡高斗南

漂泊蘇山絕送迎，到門有客價連城。
十年海國淹知己，千里煙雲對短檠。
志士履常心獨異，達人涉險氣逾平。
秋高知有滄洲興，瓶粟猶堪巖壑情。

睡醒

已念牽纏魂夢驚，交關出入欠分明。
有心除妄重增妄，

著意求清愈不清夜氣偶存無可似幾希乍露亦難名
見前活潑何停際會有中流自在行

得王五修書

筒寄頻來問渡津殊慙倦力滯風塵從顏尋樂何關我
依孟求心亦傍人一片陽光能覆世兩閒生意總歸身
盡銷冒昧浮游氣色色形形滿目真

諸友攜尊過草堂賓六主三

白雲堆裏築行窩市轍何深載酒過漢室五更猶見少
香山一社未加多幽棲莫訝朝烟冷野趣偏諧春氣和

且漫訂期聯後約興酣更奮魯陽戈

客榻

暮春猶自怯寒侵一榻南州意獨深莫遣塵情封面目
好從清夢見天心傍依豈是安身訣詎訓終非渡世鍼
攜得白沙詩幾首幾迴臥起幾迴吟

訪張蓬懸

言念真人天際看清風鼓我入烟巒紫雲已臥東山謝
青海猶傳西夏韓道在豈虞天地老心閒殊覺夢魂安
卅年仰止登龍晚願共滄溟理釣竿

獨坐口號

家住燕南易水旁
驅車河朔歷星霜
名花淺圃頻來折
朽木深山終免傷
婚嫁及時情足慰
饔飧繼日味偏香
七旬三歲復何事
回想從前枉自忙

郭公望集隱士傳成

潛見由來只一身
漫將沈疴作天民
指拈今古無多士
眼到乾坤有幾人
道合聖門非具癖
德爲龍隱是其仁
從茲逸士開生面
之子結廬好比鄰

過郭蘇門先生墓憶壬子晤對長安已四十餘

年矣愴然有感

寒林鬱鬱已成陳憶別長安四十春漫道銷沈千古事
誰云寂寞百年身朝聞夕可吾生畢體受歸全此日真
藉草擬同蘋藻薦恍疑風雨泣孤臣

偶述

乾坤踴躍強求寬東注江河挽更難耳領名言勝奏樂
坐逢佳士便追歡魯論半部非童習周易一編耐老看
病困已除馳騫念眠餐竊幸得清安

春日偶書

太極流行物物中豈分南北與西東於斯無礙復何礙
如是能通始得通教自有分休強合道原不異欲誰同
閒來清理紛頭緒雲水千層總一空

贈高薦馨

踈踈落落一閒身歸隱蘇門託契真閉戶已甘違俗好
高吟猶復動時人隨緣濁酒堪消病到處青山豈慮貧
漫道桃源須世外孟城雞犬亦先秦

趙錦帆過訪

威鳳凌雲迥異姿忻予得覩未云遲蒼涼客舍饒文賦

拓落秋原笑語宜學未窺源慚已老詩能追雅自稱奇
徑深苔蘚門常閉轍跡驚看破土茨

李公愚過訪

蒼葭野水賦窮居荒徑何來長者車金匱有文皆諫草
中原無土不風餘山川元自存真籟老病空慚未讀書
林際忽驚雲影變蘇門秋色一衡廬

張文峯使蜀歸過夏峯

銜命歸來過草堂八千里外飽風霜漫言蜀道沖天險
且喜蘇門入夏涼證別十年驚聚散論交近日異行藏

鄉心旅夢渾無著
土銼荻簾慰客觴

王簪之擢蒲

四載馳驅鬱瘁身
多君風骨自嶙峋
漫嗟當路乏知己
竊喜清評不誤人
官有崇卑惟事道
品無顯晦總歸真
治蒲仲氏稱明決
異地千秋應結鄰

九日同諸子孟城登高得秋字二首

昔人何事賦悲秋
此日登臨足破愁
叢菊十年違舊侶
孤城千里壯同遊
誰憐士雅中流楫
且臥元龍百尺樓
矍鑠還疑失故步
楓林霜葉沈不流

何來漂泊十經秋。日暮隨緣任去留。搖落襟期成蝶夢。
蕭條心事付漁舟。時賢漫灑新亭淚。病叟深懷故國憂。
但得目前銷戰伐。蘇門長嘯更何求。

李慎菴過訪依韻

黃菊籬邊木葉飛。白頭何事墨胎薇。山深月靜門雖設。
地僻霜嚴客過稀。風雅將興來鼎侶。冠裳常聚綴荷衣。
淹留竟口無雞黍。惜別兒童各詠歸。

新秋坐月有懷杜君異陳國鎮

衰鬢蕭蕭千里身。夏峯清寂自成隣。每逢新月常憐客。

數送歸雲遠憶人老我燈光誰喻火多君道合更傳薪
羊求肯令生苔徑衛水何時一問津

訪喬遜集邨居

短筇斜日共追尋客到應無避竹林過豫十年求識面
登堂一晌卽論心魯齋行道誰能續文靖潛身好獨任
已分入山置理亂匣琴固自有知音

送史赤豹

紫氣西來慰我思耄年相見敢云遲他鄉偏遇失家客
續史恰當焚硯期尙有山川供謝屐勉從滄笑和陶詩

繩床相對忘殘漏揮麈涼生五月時

哭李國華

元宵燈火輔仁堂春仲哭君淚滿裳海內故人行且盡
蘇門良友又云亡頻年處旅憑爲主晚歲長羸自乞方
嗟我有慙程叔子堯夫心事自明光

酬鄔孟嘉見懷

龍年無事閉柴扉忽接魚書色欲飛夢去每思渥水月
詩來猶念百門薇舊交獨有青編在壯志全因白髮違
勝地主賓良不偶關門紫氣久忘歸

顏乃來寄書偶憶舊遊感而成詠

十五年遼渥水潯君飛天際我山岑
每當夜雪思遊棹空爲秋風感暮砧
遠使書從秦月照宵天劒倚華雲深
祇今海內需名世悵望西來紫氣侵

王君山過訪

我老樵蘇君蠹魚誰知一別七年餘
欲憑夢去猶虛語賴有書來慰索居
出岫孤雲憑往返在羣野鶴自蕭疎
入門促膝忘賓主叔季依然見古初

示諸子

學問要從躬上得文辭璀璨總浮塵年來疎漏堪憐我
老去空談恐誤人萬紫千紅渾是舊單枝獨葉漫誇新
洗心藏到無言處此際功夫誰認真

和李岫旭

病臥攤書差足娛到門老友起孱軀易從未盡幾誰識
琴至無絃調自孤潦消他年留束脯乾坤此日亟飛芻
素心相對忘晨夕人訝烟霞舊酒徒

與友人論死四絕

今古諱言死誰人無死期舍生取義者死是快心時

吾黨荆高地從來傷勇多遷流歲已久烈氣盡消磨
投繯猶屢見飲毒亦時聞匹婦一言激鴻毛未有分
王濟慟伏柩劉濂甘結帶庸庸子弟情千古綱常賴

題二老圖

林間有二老同調一囊琴指點欲何語青松誓此心

懷君異

相去亦非遠相思渾未知詩筒與酒尊俱是憶君時

除夕語介公二首

爾來共此夕此夕爾應知今古無停刻人生貴惜時

海共今宵相關有獨至知予父子情念爾應無異
于度渡河

燕南老俠士落莫大梁間所遇乏知己孤雲獨往還

逃禪客

既已入空門如何帶實相不能一切空凡物皆爲障

映華歸淇口占以送

千里同爲客孤雲各自飛一山能立腳相聚好餐薇

有人送蓮花

戶外聞香滿忽驚君子來經年不一見珍重古瓶開

甲午元日

萬象何停際春生肺腑閒如何消此日但覺一身閒

十二隱君詩

有引

籬菊八種蓓蕾秋香小童解事又覓得四種
晨夕坐臥宛對空谷高人也作隱君詩

清心玉

愛爾好標格清心玉得名幾經籬落下風雨不能驚

金菊對芙蓉

烈士不多岐真人無二面孰知吐赤心相對神爲眩

紫樓春

人爲有我累喜爾乃無心樓閣重重意穆然天地深

老僧衣

世外挺風姿時賢莫肯與我思覓老僧爲問傳衣處

舊朝服

凡卉競春妍獨怯霜氣肅衣冠時樣宜何事舊朝服

紫雀舌

世事殊難問莫言舌尙存何來有紫雀戢羽不須喧

白鶴翎

黃鶴去不返欣茲白鶴來翩翩眉宇動矯矯羽毛開

獅子頭

素不聞若名今始接若面云自老僧來文殊坐下晃

粉鶴翎

翩翩意欲舞霜冷氣偏馨舉以問童子答云粉鶴翎

金盞銀臺

面帶金銀氣偏能佐酒腸繁華似有厭爲過我山房

醉白猿

猿鶴曾爲友相違日已多今來尋舊侶半醉臥雲窩

素心人 舊名粉西施

誰是沼吳人能同少伯去今爲易素心一旦獲高譽

送寒衣 丁酉

授衣爲禦寒骨朽復何事第問送衣人可存孺慕意

魏蓮陸視余夏峯二首

故園十載別客舍一燈長不盡臨岐語寒林伴雪霜
重來復有約共釣百門魚何處非泉石元人此卜居

己亥中秋兼山堂同人飲月九首

爲愛蘇山靜忘機野鳥同天心明月上瑩徹入杯中

夏峯集

卷十四

三

月以秋容皎心因癖處幽問君終歲事好景是中秋
怕作驚人語詩成信口拈悲涼千古事幽意一時兼
消長幾微見山人原石頑血黃猶戰野清夢遶兼山
少長集今夕秣登堪舉觴嘯歌忘物累四海亦同堂
人生多護惜意識幾能空不有途爭異安知道自同
爾汝分形後何從認此身均遊覆載內于野見同人
尙餘多難身世事未全審東壁有胡牀欲追河朔飲
十年違故鄉河北恣飛越秋色滿中原天心瀉明月

丁酉除夕

此夕歲云舊明朝春復新原無歇手處閱盡古今人

偶拈

耳聾聞始覺目暗見方明祇此無繫係餘生是達生
諸子集百泉爲彭餓夫題石二首

非以尋幽至無營意自幽花開流水趣觸目可同收
餓夫骨已朽不朽者其心立石猶多事閒閒雲滿岑

偶題

程日多清課操功不厭深看雲消妄想調鶴息機心

試筆二首

雲歸無處所水到有渠成一執便非法乾坤任運行
夷也既云隘不恭亦見偏所由非所願君子曰不然

坐月

今夜是何夜相看無片雲天南與地北同室未曾分

冬至家祭

至日修家祭孤陽一線回孫曾今滿眼一本萬花開

立夏前一日有述二首

無計可留春明朝又入夏素不知惜陰空自驚飛馬
忙總逐塵事閒徒尋酒盃賢愚同閱此生面待誰開

立夏二首

春以成功去夏因得令來乘權與謝事化育此申脤
日月雙輪轉乾坤兩簿陳孰爲樞紐是萬古有常新

午睡二首

孤舟千里萬里一榻朝眠夕眠總此歲時流轉人各率
其自然

園花自開自落杯酒或聖或賢涉世無庸著意隨時自
有機緣

鹿伯順邀抵山海

中山眼到立雄關
疊浪層峯勢幾環
好箇家居誰撞破
補天功在坐籌閒

登北角山

角山翠色許誰分
眼底清澄無片雲
萬里邊城循故址
教人卻憶戚將軍

登望海樓

關門夜夜響濤聲
此際真如一鏡明
遠望好逢晴海日
雄圖行見海波平

九日同止生仁卿集美飲靜修墓下追和九飲

歌

一飲君聽第一歌蕭蕭煙壠轉清和雙楊聳峙插天半
想見先生遺韻多

二飲重賡第二歌乾坤舒卷任婆娑莫憐當日期功少
翻喜今朝展墓多

三飲山人笑且歌晉家處士較誰多堯天萬古猶容許
滿眼荆榛奈我何

四飲須歌第四歌幽人未飲已顏酡腹鱗脣甲方酣戰
尺水無風自起波

五飲初喧四座歌
太行徒倚吐青螺
非憑酒力當風力
坐對先生分外和

六飲相將醉景過
問心不語意如何
平生有志傷搖落
仍欲從頭細撫摩

七飲人驚飲量多
半豎忽爾起悲歌
腐儒不識真儒意

橫肆譏彈可奈何

邱瓊山謂渡江賦幸宋之亡

八飲人驚飲量過
百年天地竟如何
好留底本歸桑海
英畧雄圖未足多

九飲蒼崖藉翠蓑
羲皇一枕樂如何
椒山曾爲憐同調

憶我樽前漫和歌

先慈忌日

白髮蕭蕭落拓身孤墳遙望獨傷神
居停爲位乏雞酒
仍是當年如洗貧

訪代傳

同人聯袂叩禪關
息盡塵機片念閒
洗盞烹茶活水靜
泉香一派繞雲山

春日憶代傳仍用前韻

興到頻頻欲叩關
遙看松榻白雲閒
東風有意來相問

春滿枝頭月滿山

春遊二首

萬里東風破曉陰
芒屨竹杖稱幽尋
問君春向何方覓
柳幹梅梢色色深

謾遣奚童掃雪開
天機爛漫覺春回
若非寒近場中過
爭得和風次第來

崔西星宦歸戲贈

匹馬蕭蕭龍劒孤
數年宦蹟付江湖
行囊惟有峯頭月
到處堪攜省役夫

目病

病纏綿百日餘暗中心事自躊躇
容光豈向光尋照
浮沈浮雲還太虛

晴光久矣失元初老我青山數卷書
翻覆雨雲難對面
何如閉目臥茆廬

不寐二首

中夜披衣天未曙聞雞起舞屬何人
著鞭試問誰先手
時務絲來要識真

世上何人不負才事權到手便成灰
需才才匱才何往

何似臨流傍月臺

有感

百年駒隙幾多時堪嘆無人不皺眉昨日紅顏今白髮
急須喚醒莫遲遲

登黃金臺二首

黃金臺畔草萋萋四望霏微雲樹低樂郭姓名香百代
月明唯有鳥歸啼

魚水君臣意味深昭王何用貯黃金漫云士價絲輕重
日暮猶聞梁父吟

獨坐聞蟬

借明亭畔滿清陰
獨坐悠然秋氣深
嘯咏南窗人不到
蟬聲響答亦知音

登看花臺望五峯

縹緲煙雲綠四圍
五峯西望有餘輝
清涼古刹洪元觀
酣睡何人映少微

過敝廬

三載今來過敝廬
閒中風月映吾裾
左經右史仍無恙
諸子猶堪讀父書

啟美寄詩傷予髮白

此日白頭白已遲六旬燈火較書時等閑過眼紅顏老
好讀長安新寄詩

哭仲兄

竹馬肩隨近古稀白頭心事更依依荆花落盡誰歸樹
目斷天空一雁飛

報德祠守歲分韻二首

老來光景已無多積雪凝霜經幾過客館漫勞悲世事
祁陽此夕是陽和

離家二百別開天種月畔雲亦灑然況復鶯鳴兼鶴和
須臾酣飲卽明年

送人歸蕭山

聞君此日棹歸舟我亦攜家若上遊相隔清輝應咫尺
浙山浙水好同收

一再逢君氣味投臨岐那得復悠悠經過知我如相問
爲道蘇門數月留

大石橋

果老行蹤亦罕存但傳橋畔有蹄痕華山道士同驢墜

未可隨人一槩論

嘯臺

長嘯山頭事最奇
清談叢裏別開基
遺康數語深於易
喜怒不形亦我師

安樂窩

易學淵源別有傳
不鑪不扇歷多年
欲尋安樂今何在
豈向先生問渡船

題薛樓曰問嘯

倚樓遙望嘯臺空
迥跡逃名大化中
欲繼嗣宗聞一嘯

驚音恍惚與心融

睡起

夢中別是一乾坤著面時時帶枕痕起坐欲尋山上路
掩扉獨步已黃昏

于度歸淇

我老江湖爾老漁漫嗟漂泊食無魚琴尊盡興淒涼夜
好向虞卿學著書

山僧送菜

不廢朝餐與夕餐一兒一僕度晨昏山僧餽我園中味

殘齒還能齧菜根

示望兒四絕

幽

清澗茂林修竹旁
不禁俗事日相妨
坐看兒寫黃庭卷
倦倚高樓納晚涼

閒

塵務何由有了期
空山孤寄淡忘時
著衣喫飯作功課
邀月眠雲意自怡

靜

怒浪驚濤幾受侵
雞鳴無語自追尋
工夫只在行無事
伏虎降龍不動心

逸

無端桎梏自相招
踏破樊籠便九霄
隨意居遊無罣礙
莊生讓我說逍遙

新月

一鉤新月照銀河
屈指相違時幾何
竚望依依歸去速
明朝漸喜傍人多

淇人稱崔西星德政因作口號

夏集 卷十四 三
二十年前此宦遊土人猶共說君侯若教當日無遺愛
民卽無言亦抱羞

絕薪二首

近山時有絕薪時買米歸來爨已遲五十餘年識一字
朝餐及午亦忘飢

幼讀淵明乞食詩此懷難遣俗人知五男紙筆俱無好
種稻南山酒一卮

暑深

暑深耽臥出門稀例病從來及此時寄思代人成短句

清閒邀友戰枯棋

雨霽

連日陰雲此夕和忽來羣鳥噪行窩似應戀我不飛去
卻比俗交情更多

重陽漫題

中秋候過又重陽心事悠悠難自量
籬菊既無兼乏酒漫吟陶句雨三行

友人餽魚

薇菜西山味有餘不須彈鋏嘆無魚
金鱗饋我長盈尺

正值門前客到初

憶渥城舊居東異渥五修

寂寞空齋孤寄時悠然二仲繫吾思漫云千古蘇門嘯
珍重籬前雙柳垂

平旦起坐

幾希一念葆雛鳴無奈牯亡旦盡情漫向人前作誑語
孽孽利善要分明

立春

履雪茹霜老病身誰知此際已生春
煢煢稚子淒涼色

獨喜東風不厭貧

除歲前一日

空齋忽忽歲將除
百日猶防一日疎
臘月要看三十日
閒來靜對一牀書

壬辰元日

歲事隨人白髮新
一番寒盡一番春
春生須識生春力
世轉還憑轉世人

頤菴渡河二首

未駕征車已黯然
心旌先遶大河邊
彼中知己如相問

爲道樵漁送暮年

漂泊孤蹤老病身
欽君聲味久逾真
前期知有難分手
爲念貧交入骨親

得王生洲書

三百年來閒氣新
方能留得一陳人
洗心滌慮非欺我
慣歷風霜客裏身

抵洪見額題君子至斯四字因有句

封人尼父真知己
君子於斯認獨真
留得一雙青白眼
閒看無限往來人

湯陰署中對石

白髮蕭蕭老病身
樵漁牧豎久相親
何來亦聽郵亭裏
數石嶙峋是可人

雨中答鄰叟

元亮田閒聽水聲
慚余偃臥在山城
比鄰遙憶同心叟
淫雨題詩一寄情

得曾孫

稱翁久矣愧無能
接得家書喜抱曾
漫問此兒靈與蠢
拜祠班次幾多層

夜雨

夢裏復聞雨乍傾披衣起坐盼天明
衾書盡濕難回避
楊畔驚殞屋瓦聲

李霖九劉自愚孫紹開李古盤過訪

疎籬破壁幽人致飯豆羹藜禮意真
並轡勞君各載酒
淹留竟日主爲賓

元宵獨坐

今宵獨坐在空山人謂枯禪我覺閑
目覩耳聞原不隔
元燈一綫照蒼顏

晨起有述

山川流峙日星明見慣平時自不驚會得眼前行處是
萋萋豈待問雞鳴

掩卷偶書

一絲釣破漢江波握得微機豈在多滿架陳編無著處
鳶魚觸目遠行窩

送崔映華李甯然歸里

雲老西山共采薇夕陽客久倦言歸臨岐雙雁驚翔視
天北天南無定飛

憶張于度

草昧初開數尺田移來花木色依然城西處士遙相憶
多病愁深耽晝眠

天啟元年一貢生燕南烈士舊知名蘇山忍餓無人識
敲句猶能金石聲

夜坐

歲暮孤燈寒氣侵擁爐趺坐到更深回環七十餘年事
負卻垂髫萬里心

偶書

吾家思邈許誰儔復有公和堪並遊二子有言皆見道
莫將儒者作仙流

感事

怪來學力老無功只爲馳西又驚東照管多方心卻亂
但開一徑與天通

西湖明烈祠

鄭公雖自愛良臣否泰由來只一身肯與至尊同社稷
殉身殉道總歸仁

諸公何意愛高名名到諸公百感生一死難忘千古恨

江湖夜夜起濤聲

偶書

野老疎慵日閉關
手鈔周易臥兼山
靜中恍惚忘人我
從此紛紜可盡刪

獨坐

聞見紛投歲月磨
閒來回想覺蹉跎
十年礪得昆吾劍
霜刃一揮斷百魔

耳聾免聽俗人語
眼睛不觀非聖書
獨坐深深無念起
靜中天地卽皇初

會心亭賞梅

紅梅初放臘梅收一歲幽馨占兩頭
始始終終誰得似繁華閱盡飽經秋

家祭

春分家祭庶羞陳童稚重添一輩人
學語未成知學禮先靈應喜羽毛新

渡黃河

誰道黃河衣帶水崑崙派衍且天長
往來閱世成今古舟楫何人問渡方

大梁懷古

大梁遺迹歎淪亡河伯不仁慘異常偶憶信陵心事在
好留底本到滄桑

平生雅意託君鄰公子豪情君子人尙欲從頭問幕客
賣漿二老是嘉賓

憶北城孝友堂

家世北城長子孫短牆曲巷一孤邨子游茅屋雖荒
孝友依然二字存

止思

俯仰生成誰得侵生涯浩瀚到如今任教世事多翻覆
易簡工夫只省心

得王生洲延平書

故人書至七千里言別於今二十年極目雲天何處是
開函未讀已潸然

閩海浮家天際頭滄桑變後一身留故園回首孤臣淚
浪靜風恬有繫舟

贈劉公勇

共楊山城對月明劉郎高韻迴難賡閒將傑士論今古

同甫遞傳到止生

十年磨劒刃方新入世方知出世身
海內故交零落盡
卷舒千古讓何人

簑笠相將七十餘太行深處結茅廬
待君治定功成日
訪我雲林好讀書

和楊天放

天涯混跡一閒身恰似當年避世人
君把釣竿予挈斧
乾坤何地不生春

午睡

十載何堪守舊廬。猶驚風雨到樵漁。非因避俗耽高枕，老去懷心見客疎。

田趙二子將歸賦此留之

二仲欣承父命來。塵氛脫盡好懷開。漫於此日輕言別，安樂窩旁有嘯臺。

衰遲日夕坐書幃。聒耳難聽是與非。留客好過殘臘去。

北山有韭首陽薇。

北山名韭山

鶴聲

厭此淫哇銅耳深。天教鶴唳引清音。兒童偷暇來調弄。

尚帶風雲萬里心

題夏峯

無山無水亦雲林盡道桃源此地尋
刊盡浮華留靜氣閒看調鶴洗機心

賀景瞻先生祠

先生烈節壯山河繪得鬚眉生氣多
鵷有百門烟雨好一將蘋藻一悲歌

下榻宋搗之

百泉攜手十年餘君老烟霞我老漁
此日尋山兼問友

小車花外到仙居

恰喜逢君大道旁
先歸作黍徑登牀
古人風味今猶在
元直重來自不妨

望嵩

嵩嶽依稀百里閒
殘年臨路嘆閒關
不才自顧非閒道
坐廢中途只等閒

同人有約幾多時
雲裏遙知待杖藜
不是山靈回俗駕
由來緣淺路偏岐

贈寫真姬山人

豈是商家夢裏身一堂坐立自生春憑君摹寫肥和瘦
顛顛眞如八十人

舊業遺經付子孫菜畦菊徑樂乾坤君家如有重相訪
乘興來敲處士門

姪孫永興至

爾祖爲官爾父貧艱危歷盡少年身出門千里能徒步
便是吾家立志人

夢寐難忘孝友堂他鄉故國兩淒涼無庸細話從前事
煮酒烹魚花正香

示子

家學淵源二百年不談老氏不談禪爲貧何似爲農好
富貴營求總禍緣

堪笑庸人慮目前自驅陷阱冀安然道人拈此作家誠
淡薄由來是祖傳

習勞

老來最恐心多事事不煩心身不傷會得戶樞流水意
習勞卻是攝生方

節勞

年來無事愛閒吟
殘喘思多原不禁
邵子遺予安樂訣
纖毫浮氣莫撓心

述懷

日用優游老逸民
任教枯寂有陽春
與人無侮非行惡
律已能廉豈愛貧
也非富貴也非貧
明月白雲可結鄰
愛與儒生談廢事
頓忘樵叟是陳人

有感

厭俗由來高士癖
卽云耐俗亦非仁
何如大造龍容物

動植飛潛總一身

北上語隨行者

驚濤共爾泛危舟此日波恬汗漫遊
患難經多平等事
莫愁樹葉破人頭

午睡起

短牆曲徑板門開北牖南薰暑氣回
老病貪眠渾未醒
等閒失禮故人來

先考忌辰

久客今歸展墓門兒孫又復長兒孫
夏峯煙雨蘇山非

千里相將佐一尊

過陳子石廬居

蕭蕭夜雨共哀吟
讀禮挑燈意更深
世借草廬高物色
人從孺慕見天心

爲人百歲只爲子
學道終身總學貧
定力原從貧處得
猿啼鬼嘯也成鄰

送耿是經兄弟兼訂後約

十六年來輕去鄉
大河南北兩相望
三間茅屋遲君久
榻設元宵梅正香

寄南張寺老僧

回首當年馬上飛，鐵衣脫卻換僧衣。
埋名僻寺無人識，閒倚山門看落暉。

立兒攜雨曾孫至

衝寒千里過蘇門，手挽牛車挈雨孫。
八歲稚兒能學禮，淋漓元氣溲孤邨。

輓李古盤

癖意獨行恥俗同，歲寒挺挺一孤松。
貴人欲見公不見，驢背攜壺過夏峯。

夏峯集 卷一 四
已酉元日有述

不談仙術不談禪遇事只爭一著先地步放寬著腳穩
欲尋樂處但隨緣

有所思

一塵拂去一塵生漫羨古人無事行功力未深難強合
天空雲淨月常明

許蛟門北歸

廿年羈旅賦同舟我病支牀君白頭忽動鄉心歸易水
夏峯回首是并州

晨起

三杯醴酒增談興
數首奇文助眼明
八月危牀憑此遣
病中天地亦寬平

病中懷王蓼航

束髮論交矢勿欺
晚年竊幸得追隨
閒中偶憶年來事
劉尹知余勝自知

病起君來對舉卮
山堂無事日遲遲
扶筇擬赴耆英會
且省先生哭友詩

盧禹鼎結廬夏峯

每從花外望軒車多少高人此卜居
怪道夏峯添爽氣
因君新築一茅廬

夏峯集卷十四

錢彝用謹校